

Саха сиригэр Санкт-Петербург күннэрэ

Мариинскай театр өссө төгүл сөхтөрдө

Бу күннэргэ Дьокуускайга аатырар-сураҕылар Мариинскай театран опера уонна балет солистара, «Ленфильм» режиссердара, продюсердара, киинэ, театр артыыстара, биллэр-көстөр худуһунньуктар ыалдьыттыллар.

Татьяна МАРКОВА

Нева өрүс кытылыгар турар аан дойдуга биир саамай кэрэ куорат — дойду культурнай киининэн билиниллэр Санкт-Петербург, биһиги хотугу республикабытыгар, биллэн турар, киэн культурнай программалаах кэллэ.

Киэһэ Суорун Омоллоон аатынан Опера уонна балет государственнай театрын саалата — эмиэ тобус-тоолору, манна Санкт-Петербург Күннэрин кыттылаахтара — Мариинскай театр солистарын улахан кэнсиэрэ буолла.

Хотугу Пальмира делегациятын биир бастакынан көрсөр чизэ Арктической государственнай искусство уонна культура институтун студенттарыгар тиксикитэ соһуччу буолбатах. Тобо диэтэххэ, манна кэнэбэски артыыстар — киинэ, театр актердара уонна режиссердар, худуһунньуктар, дизайнердар үөрэнэллэр.

Кэнсиэр сабаланытыгар делегация салайааччыта, Санкт-Петербург губернатора Георгий Полтавченко уонна Саха Республикатын Президентэ Егор Борисов сценаҕа тахсаннар, көрөөччүлэри Санкт-Петербург



Мариинскай театр солистара
Софья Иванова-Скобликова уонна Василий Ткаченко.

күннэрэ аһыллыбытынан эбэрдэлээтилэр. Георгий Полтавченко, бу көрсүү былырыын Санкт-Петербурга Саха Республикатын Күннэрин кэмигэр икки регион салгыы биригэ үлэлэниигэ быһаарыныларын үтүө түмүгүнэн буоларын, дойдутун таптыыр хас биирдии россиянин, олоһор саатар биридэ Саха сиригэр кэлэ сылдыахтаабын туһунан истинник бэлиэтээбитин дьон

үөрэ иһиттэ. СР Президентэ Егор Борисов Саха сиригэр, дьонугар-сэргэтигэр Санкт-Петербург ураты миэстэни ылар, ол иһин биһиги экономической уонна культурнай сибэспит өссө сайдыаҕа, Санкт-Петербурду кытта төһөнөн чугастык алтыһабыт да, соччонон биһиги инникигэ эрэллээхпит, диэтэ.

Оттон көрөөччүлэргэ Мариинскай театр — бу

дьингээх классикаттан үрдүк дуоһунуу ылыы, дууһа үөрүүтэ буоллаҕа. Валерий Гергиев уусуран салайааччылаах бу аан дойдуга аатырбыт нуучча классическай Мариинскай театрын саха көрөөччүтэ билэр, сыаналыыр. Мариинка балета биһиэхэ ытыллар «Стерх» норуоттар икки ардыларынааҕы балет фестивалыгар кыттыыта үтүө үгэс буолла.

Бу да сырыыга кэнсиэр балеттан сабаланна. Театр эдэр, талааннаах солистара Софья Иванова-Скобликова уонна Василий Ткаченко композитордар Адан «Корсар», Цезарь Пуни «Сатанилла» балеттарыттан партиялары чаһылхай толоруулар дохсун ытыс тыаһынан добуһуолланна.

Россия үтүөлээх артыыската, норуоттар икки ардыларынааҕы куонкурустар лауреаттара Ольга Трифонова (сопрано), опера эдэр солистарын норуоттар икки ардыларынааҕы куонкурустарын лауреата Надежда Сердюк (меццо-сопрано) уонна норуоттар икки ардыларынааҕы бириэмийэ лауреата Андрей Серов (бас) Глинка, Моцарт, Пуччини, Бизе, Верди, Римскэй-Корсаков, Сергей Рахманинов, о.д.а. композитордар операларыттан классическай ариялары толорууларыттан көрөөччү, чаччы да, үрдүк үөрүүнү, дуоһунуу ылла.

Бу аатырбыт айымньылар бары Саха государственнай филармониятын оркестрын (дирижер Наталья Базалева) добуһуолунан толоруллубуттара, хайдах эрэ, киэн туттуулаах, ураты истинг, сылаас сыһыаны үөскэттэ.

Виктор ЭВЕРСТОВ
хаартыскаҕа түһэриитэ.